

2-րդ ջաճ 28 06 18
17-2-375-4

Ո Ր Ո Շ ՈՒ Մ

Վարչական իրավախախտման գործով գանգատն առանց
բավարարման, իսկ որոշումն անփոփոխ թողնելու մասին

25.06.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր
Կարապետյանս, վերանայելով Վահե Գասպարյանի դիմումի շուրջ ստեղծված նյութերը,

Պ Ա Ր Զ Ե Ց Ի

2018թ. մայիսի 25-ին Կապան քաղաքի Դավիթ Բեկ փ. 7շ. 34բն. բնակիչ Վ.Գասպարյանը
դիմում է հասցեագրել այն մասին, որ համաձայն չէ իր նկատմամբ կայացված ԱԴ թիվ 482170
որոշման հետ, քանի որ ճՈ տեսուչը պետք է բավարարվեր զգուշացումով:

Դիմումի ուսումնասիրությամբ պարզվել է, որ 24.05.2018թ. ժամը 19.25-ին Վերին Պտղնի
գյուղի վարչական տարածքում քաղ.Վ.Գասպարյանի կողմից վարած «Օպել» մակնիշի 34 AN
183 հաշվառման համարանիշի ավտոմոբիլը կանգնեցվել է ճանապարհային ոստիկանության
ճՊԾ 2-րդ սպայական գումարտակի 3-րդ սպայական վաշտի 1-ին սպայական դասակի ավագ
տեսուչ, ոստիկանության կապիտան Ռ.Գրիգորյանի և նույն դասակի տեսուչ, ոստիկանության
կապիտան Տ.Պետրոսյանի կողմից ճԵԱԱՄՕ-ի խախտման համար, այն է՝ վարորդն
ավտոմոբիլը վարել է անվտանգության գոտին չամրակապած վիճակում: Վարորդի նկատմամբ
կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ
օրենսգրքի 123.3 հոդվածի, կայացվել է ԱԴ թիվ 482170 որոշումը՝ 5000 դրամ տուգանելու
մասին:

Ըստ ծառայողների գրավոր բացատրությունների՝ նկատել են, որ իրենց հանդիպակաց
երթևեկող «Օպել» մակնիշի 34 AN 183 հաշվառման համարանիշի ավտոմոբիլի վարորդը
երթևեկում է անվտանգության գոտիով չամրակապված վիճակում: Ռ.Գրիգորյանը և
Տ.Պետրոսյանը հայտնել են, որ Վ.Գասպարյանի կողմից թույլ տված իրավախախտումն եղել է
իրենց տեսադաշտում և ակնհայտ, ինչի համար սահմանված կարգով կանգնեցրել են
ավտոմոբիլը: Ավագ տեսուչ Ռ.Գրիգորյանը մոտեցել է վարորդին, ներկայացել, պարզաբանել
իրավախախտման բնույթը և պահանջել է փաստաթղթերը: Վարորդն ընդունել է իր կողմից
իրավախախտում թույլ տալու փաստը և հայտնել, որ արձանագրելու դեպքում՝ կբողոքարկի:
Համապատասխան արձանագրություն կազմելուց հետո, վարորդը ծանոթացել է
արձանագրության բովանդակությանը և ստանալով որոշման իր օրինակն ու փաստաթղթերը
հեռացել:

Դիմումում նշված հանգամանքների շուրջ պարզաբանումներ տալու նպատակով քաղ.
Վ.Գասպարյանը հրավիրվել է ճՈ, որտեղ իր գրավոր բացատրությամբ հայտնել է, որ դիմումին
ավելացնելու ոչինչ չունի, խնդրել է դիմումը քննարկել, իսկ արդյունքների մասին հայտնել
գրավոր:

Համաձայն «ճանապարհային երթևեկության անվտանգության ապահովման մասին» ՀՀ
օրենքի 17-րդ հոդվածի՝ ճանապարհային ոստիկանության ծառայողը պարտավոր է
տրանսպորտային միջոցը կանգնեցնել, եթե ակնհայտ կամ տեխնիկական միջոցների
օգտագործմամբ երևում է, որ վարորդը խախտել է ճանապարհային երթևեկության կանոնների
պահանջները: Նույն հոդվածի 8-րդ մասի համաձայն՝ երթևեկության սահմանված արագության
գերազանցման և տրանսպորտային միջոցների ապակիների լուսաթափանցելիության
սահմանված չափի խախտումների համար պատասխանատվություն է առաջացնում, երբ
տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Վ.Գասպարյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Վահե Գասպարյանի դիմումը թողնել առանց բավարարման, իսկ ճանապարհային ոստիկանության ճՊԾ 2-րդ սպայական գումարտակի 3-րդ սպայական վաշտի 1-ին սպայական դասակի ավագ տեսուչ, ոստիկանության կապիտան Ռ.Գրիգորյանի կազմած վարչական իրավախախտման վերաբերյալ արձանագրության հիման վրա 24.05.2018թ. կայացված ԱԴ թիվ 482170 որոշումը՝ Վահե Գասպարյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ճՊԾ 2-րդ սպայական գումարտակ և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե. Կատարյան

Կատարող Հ.Մանասարյան
011-567944